

სახელმწიფო შესყიდვის შესახებ # 19/01/19-CON ხელშეკრულება

ქ.თბილისი

05 აპრილი 2019 წელი

ერთი მხრივ, სსიპ „საგანგებო სიტუაციების კოორდინაციისა და გადაუდებელი დახმარების ცენტრი“ შემდგომში „შემსყიდველი“, წარმოდგენილი მისი დირექტორის ავთანდილ თალაკვაძის სახით და მეორე მხრივ, შპს „ავერსი-ფარმა“, შემდგომში „მიმწოდებელი“, წარმოდგენილი მისი კომერციული დირექტორის ეკატერინე მიქელაძის (მინდობილობის სარეგისტრაციო #181571202, ინდივიდუალური #21179902508918 სახით, ორივე ერთად წოდებული როგორც „მხარეები“, „სახელმწიფო შესყიდვების შესახებ“ საქართველოს კანონის 20² მუხლის, აგრეთვე სახელმწიფო შესყიდვების სააგენტოს თავმჯდომარის 2018 წლის 14 დეკემბრის N14 ბრძანებით დამტკიცებული წესის "კონსოლიდირებული ტენდერის ჩატარების წესისა და პირობების დამტკიცების შესახებ" და „2019 წლის განმავლობაში ფარმაცევტული პროდუქტების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2018 წლის 4 დეკემბრის №2297 და „2019 წლის განმავლობაში ფარმაცევტული პროდუქტების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე საქართველოს მთავრობის 2018 წლის 4 დეკემბრის N2297 განკარგულებაში ცვლილების შეტანის შესახებ“ საქართველოს მთავრობის 2019 წლის 22 იანვრის N47 განკარგულებების საფუძველზე, ვდებთ წინამდებარე ხელშეკრულებას შემდეგზე:

1. ტერმინთა განმარტებები

„ხელშეკრულებაში“ გამოყენებულ ტერმინებს აქვს შემდეგი მნიშვნელობა:

- 1.1. „სატენდერო კომისია“ (შემდგომში „კომისია“) - ფარმაცევტული პროდუქტების კონსოლიდირებული ტენდერის სატენდერო კომისია;
- 1.2. „სატენდერო დოკუმენტაცია“ - (CON190000074) კონსოლიდირებული ტენდერის სატენდერო დოკუმენტაცია.

2. ხელშეკრულების საგანი

- 2.1. შემსყიდველის სსიპ „საგანგებო სიტუაციების კოორდინაციისა და გადაუდებელი დახმარების ცენტრის“ მიერ მედიკამენტების (CPV33600000 - ფარმაცევტული პროდუქტები) კონსოლიდირებული ტენდერის (CON190000074) საშუალებით შესყიდვა.
- 2.2. საქონლის დეტალური აღწერა, რაოდენობა, ტექნიკური მახასიათებლები და ღირებულება, რომელიც მიმწოდებლის მიერ წარმოდგენილია კონსოლიდირებულ ტენდერში (CON190000074), თან ერთვის ხელშეკრულებას N1 დანართის სახით და წარმოადგენს ხელშეკრულების განუყოფელ ნაწილს.

3. საქონლის ვარგისიანობის პირობები

- 3.1. მედიკამენტების ვარგისიანობის ვადა მისი მიღება-ჩაბარების აქტის გაფორმების თარიღიდან შეადგენს არანაკლებ 12 (თორმეტი) თვეს.
- 3.2. მიმწოდებელი იღებს ვალდებულებას, რომ შესყიდული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.
- 3.3. საქონლის მიწოდების შემდეგ, ხარვეზის ან/და წუნდებნის აღმოჩენის შემთხვევაში, მიმწოდებელი ვალდებულია შემსყიდველის მიერ განსაზღვრულ გონივრულ ვადაში აღმოფხვრას ხარვეზი ან/და გამოცვალოს დაზიანებული საქონელი ახლით.

4. ხელშეკრულების ღირებულება

- 4.1. ხელშეკრულების სავარაუდო ღირებულება შეადგენს 7038.49 (შვიდი ათას ოცდათვრამეტი ლარი და 49 თეთრი) ლარს.
- 4.2. ხელშეკრულების საერთო ღირებულება მოიცავს მიმწოდებლის მიერ ხელშეკრულებით ნაკისრი ვალდებულებების შესრულებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

5. საქონლის მიწოდების პირობები

5.1. საქონლის მიწოდების ვადა:

- 5.1.1. საქონლის მიწოდების ვადაა ხელშეკრულების გაფორმებიდან 2019 წლის 31 დეკემბრის ჩათვლით.
- 5.1.2. საქონლის მიწოდება უნდა განხორციელდეს ეტაპობრივად, შემსყიდველის მოთხოვნიდან არაუგვიანეს არაუგვიანეს 2 (ორი) კალენდარული დღის განმავლობაში ქ თბილისში, სხვა მისამართებზე მიწოდება უნდა განხორციელდეს ეტაპობრივად, შემსყიდველის მოთხოვნიდან არაუგვიანეს 3 (სამი) კალენდარული დღის განმავლობაში. მაღალმთიან რეგიონებში, სეზონურიდან გამომდინარე, რთული კლიმატური პირობებისას მიწოდება უნდა განხორციელდეს ეტაპობრივად, შემსყიდველის მოთხოვნიდან არაუგვიანეს 5 (ხუთი) კალენდარული დღის განმავლობაში.

5.2. საქონლის მიწოდების ადგილი:

- 5.2.1. საქონლის მიწოდების ადგილები მოცემულია ხელშეკრულების N2 დანართში.
- 5.2.2. საქონლის მიწოდების ადგილის ცვლილება შესაძლებელია შემსყიდველთან შეთანხმებით.

6. საქონლის მიღება-ჩაბარების წესი

- 6.1. წინამდებარე ხელშეკრულებით გათვალისწინებული საქონლის გადაცემის დადასტურების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტ(ებ)ი.
- 6.2. საქონელი ჩაითვლება მიღებულად, მხოლოდ მხარეებს შორის მიღება-ჩაბარების აქტის გაფორმების შემდგომ.
- 6.3. შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირებს წარმოადგენენ: სსიპ „საგანგებო სიტუაციების კოორდინაციისა და გადაუდებელი დახმარების ცენტრის“ ლოგისტიკის დეპარტამენტის უფროსი გოჩა აბულაძე (პ/ნ:21001007954)

7. ანგარიშსწორება

- 7.1. საქონლის ღირებულების ანაზღაურება მოხდება უნაღდო ანგარიშსწორებით, ეროვნულ ვალუტა - ლარში.
- 7.2. ანგარიშსწორება შემსყიდველის მიერ მოხდება საქონლის მიწოდების თაობაზე მხარეთა შორის შესაბამისი მიღება-ჩაბარების აქტ(ებ)ის გაფორმებიდან და მიმწოდებლის მიერ საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგინიდან არაუგვიანეს 10 (ათი) კალენდარული დღის განმავლობაში.
- 7.3. მიღება-ჩაბარების აქტ(ებ)ის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

8. მხარეთა ვალდებულებები და უფლებები

8.1. მიმწოდებელი ვალდებულია:

- 8.1.1. საკუთარი ხარჯებით, უზრუნველყოს ხელშეკრულებით გათვალისწინებული საქონლის შეუფერხებლად მიწოდება; ამასთან, იგი იძლევა გარანტიას, რომ საქონელი შეესაბამება წინამდებარე ხელშეკრულებითა და საქართველოს კანონმდებლობით განსაზღვრულ მოთხოვნებს და საქონელი

იქნება მიწოდებული სათანადო მდგომარეობაში, შეფუთვა არ იქნება დაზიანებული, ხოლო წარწერები საქონელსა და ეტიკეტებზე იქნება კითხვადი (ასეთის არსებობის შემთხვევაში).

8.1.2. დროულად განიხილოს ხელშეკრულების შესრულების პროცესში წამოჭრილი პრობლემები და მიიღოს ზომები მათ აღმოსაფხვრელად.

8.1.3. სათანადო გულისხმიერებითა და პასუხისმგებლობით ითანამშრომლოს შემსყიდველ ორგანიზაციასთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

8.1.4. იმ შემთხვევაში, თუ ვერ ახერხებს საქონლის მიწოდებას დროულად, გულისყურით ითანამშრომლოს შემსყიდველ ორგანიზაციასთან, აცნობოს მას შეფერხების მიზეზი და შექმნილი პრობლემის აღმოფხვრის საბოლოო ვადა.

8.1.5. მჭიდროდ ითანამშრომლოს შემსყიდველთან საქონლის მიწოდების განრიგის, სიხშირის, მიწოდების ადგილისა და თითოეულ მისამართზე მისაწოდებელი პროდუქტის რაოდენობის დაზუსტების მიზნით.

8.1.6. უზრუნველყოს სატენდერო დოკუმენტაციითა და შემსყიდველთან გაფორმებული ხელშეკრულებით გათვალისწინებული სხვა ვალდებულებების შესრულება.

8.1.7. ხელშეკრულების გაფორმების შემდეგ მიმწოდებელს არ აქვს უფლება ხელშეკრულებით ნაკისრი ვალდებულებები განახორციელოს ქვეკონტრაქტორის მეშვეობით, სანამ ამის თაობაზე წერილობით არ აცნობებს კომისიას. ამასთანავე, მიმწოდებელს უფლება არ აქვს მთლიანად ან ნაწილობრივ, კომისიის წერილობითი თანხმობის გარეშე, გადასცეს მესამე პირს ხელშეკრულებით მისთვის მინიჭებული უფლება-მოვალეობანი.

8.2. შემსყიდველი ვალდებულია:

8.2.1. დაიცვას მიწოდებულ პროდუქციის ეტიკეტზე დატანილი (ასეთის არსებობის შემთხვევაში) და საქართველოს კანონმდებლობით დადგენილი პროდუქციის შენახვის წესები.

8.2.2. უზრუნველყოს ხელშეკრულების შესრულების კონტროლი.

8.2.3. მოახდინოს ანგარიშსწორება მიმწოდებელთან ხელშეკრულების პირობების შესაბამისად.

8.2.4. შეასრულოს ხელშეკრულებითა და სატენდერო დოკუმენტაციით მასზე დაკისრებული ვალდებულებები.

8.2.5. სათანადო გულისხმიერებითა და პასუხისმგებლობით ითანამშრომლოს მიმწოდებელთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

8.3. მიმწოდებელს უფლება აქვს:

8.3.1. ხელშეკრულების ფარგლებში მოითხოვოს დროული და სრული ანაზღაურება.

8.4. შემსყიდველს უფლება აქვს:

8.4.1. იმ შემთხვევაში, თუ მიმწოდებელი ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას შემსყიდველი უფლებამოსილია აღნიშნული ფაქტი შესაბამისი დასაბუთებით აცნობოს კომისიას.

9. ხელშეკრულების ინსპექტირება

9.1. „კომისია“ უფლებამოსილია ნებისმიერ დროს განახორციელოს მიმწოდებლის მიერ ხელშეკრულების პირობებისა და „სატენდერო დოკუმენტაციის“ მოთხოვნების შესრულების ინსპექტირება, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელებაში.

9.2. ინსპექტირების განამახორციელებელი პირ(ებ)ის უფლება-მოვალეობები:

9.2.1. მიმწოდებლის მიერ ხელშეკრულებით და „სატენდერო დოკუმენტაციით“ ნაკისრი ვალდებულებების ხარისხისა და მიწოდების ვადების სატენდერო მოთხოვნებთან და ხელშეკრულების პირობებთან შესაბამისობის დადგენის მიზნით, სათანადო კონტროლის/ზედამხედველობის განხორციელება.

9.2.2. თუ შემსყიდველს ან/და „კომისიას“ გაუჩნდება გონივრული ეჭვი შემოთავაზებული/მიწოდებული ფარმაცევტული პროდუქტის ხარისხთან ან/და შემადგენლობასთან დაკავშირებით, იგი უფლებამოსილია, შეატყობინოს სსიპ „სამედიცინო საქმიანობის სახელმწიფო რეგულირების სააგენტოს“ და მათი მეშვეობით, „წამლისა და ფარმაცევტული საქმიანობის შესახებ“ საქართველოს კანონის საფუძველზე, შეამოწმოს ფარმაცევტული პროდუქტის რეალიზატორების მიერ ფარმაცევტული პროდუქტის მიკვლევადობისთვის დადგენილი წესებისა და შენახვის პირობების დაცვის მდგომარეობა ან/და ნიმუშად აიღოს ფარმაცევტული პროდუქტი შემდგომი ლაბორატორიული კვლევის ჩასატარებლად.

10. ფორს-მაჟორი

10.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2. ამ ხელშეკრულებაში „ფორს-მაჟორი“ ნიშნავს მხარეებისთვის გადაუღებავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს „კომისიას“ წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. ხელშეკრულების პირობების გადასინჯვა

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების საერთო ღირებულების 10%-ზე მეტი ოდენობით გაზრდა. ასეთ შემთხვევაში შემსყიდველი ვალდებულია წერილობით აცნობოს „კომისიას“ აღნიშნული გარემოება.

11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების პირობების შეუსრულებლობა

12.1. ხელშეკრულებით ნაკისრი ვალდებულებების არაჯეროვნად შესრულების შემთხვევაში მიმწოდებელს ეკისრება პირგასამტეხლო შეუსრულებელი ვალდებულების 0.2%-ის ოდენობით, ყოველ ვადაგადაცილებულ კალენდარულ დღეზე გაანგარიშებით.

12.2. პირგასამტეხლოს გადახდა უნდა განხორციელდეს მხარის მიერ მეორე მხარისადმი გაგზავნილ შესაბამის წერილში მითითებული ვადიდან არაუგვიანეს 10 (ათი) კალენდარული დღის განმავლობაში.

12.3. საჯარიმო სანქციების გადახდა მხარე(ებ)ს არ ათავისუფლებს ძირითადი ვალდებულებების შესრულებისაგან.

12.4. იმ შემთხვევაში თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველი უფლებამოსილია შეწყვიტოს ხელშეკრულება მე-16 მუხლის გათვალისწინებით და მოსთხოვოს მიმწოდებელს შესაბამისი პირგასამტეხლოს გადახდა.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. თავის მხრივ, შეტყობინების მიმღები მხარე უფლებამოსილია გონივრულ ვადაში აცნობოს მხარეს თავისი გადაწყვეტილება, აღნიშნულ გარემოებებთან დაკავშირებით.

13.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა დონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

14.2. იმ შემთხვევაში თუ შემსყიდველი და მიმწოდებელი ვერ შეთანხმდებიან სადაო საკითხ(ებ)ის მოგვარების შესახებ, შეუძლიათ წერილობით მიმართონ „კომისიას“.

14.3. სადაო საკითხ(ებ)ის შეთანხმების გზით მოგვარების შეუძლებლობის შემთხვევაში, მხარეებმა კანონმდებლობით დადგენილი წესით შეუძლიათ მიმართონ სასამართლოს.

15. ხელშეკრულების შეწყვეტა/გასვლა

15.1. ხელშეკრულება წყდება ავტომატურად ხელშეკრულების მოქმედების ვადის ამოწურვისთანავე.

15.2. წინამდებარე ხელშეკრულება შეიძლება ვადამდე შეწყდეს:

15.2.1. ორმხრივი წერილობითი შეთანხმებით ნებისმიერ დროს;

15.2.2. ნებისმიერი მხარის ინიციატივით, ცალმხრივად და მხოლოდ „კომისიის“ თანხმობით თუ მეორე მხარე არ ასრულებს ან არაჯეროვნად ასრულებს ნაკისრ ვალდებულებებს, რის თაობაზეც მას წერილობით მიეცა გაფრთხილება და დარღვევის გამოსასწორებლად განესაზღვრა დამატებითი ვადა არანაკლებ 5 (ხუთი) კალენდარული დღის ოდენობით. ამასთან, დამატებითი ვადა შეიძლება არ მიეცეს, თუკი აშკარაა, რომ მას შედეგი არ ექნება, ან ვალდებულების არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება.

15.2.3. ხელშეკრულების შეწყვეტის შესახებ კომისიას უნდა ეცნობოს წერილობითი ფორმით შესაბამის ელექტრონულ ფოსტაზე: pharm2019@spa.gov.ge

15.2.4. ხელშეკრულების შეწყვეტის თაობაზე გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

15.3. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა.

16. ხელშეკრულების მოქმედების ვადა

- 16.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.
16.2. ხელშეკრულების მოქმედების ვადა განისაზღვრება 2020 წლის 31 იანვრის ჩათვლით.
16.3. ხელშეკრულება შედგენილია ქართულ ენაზე, და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონული ვერსია ინახება ხელმომწერ მხარეებთან ერთ ეგზემპლარად, რომელთაც გააჩნიათ თანაბარი იურიდიული ძალა.
16.4. ხელშეკრულების 1 ეგზემპლარი ინახება - მიმწოდებელთან, ხოლო 1 - შემსყიდველთან.

17. მხარეთა რეკვიზიტები

შემსყიდველი

სსიპ „საგანგებო სიტუაციების კოორდინაციისა და გადაუდებელი დახმარების ცენტრი“

საიდენტიფიკაციო კოდი: **205307960**
იურ. მის.: ქ.თბილისი, აკ. წერეთლის გამზ. N144
ფაქტ. მის.: ქ.თბილისი, აკ. წერეთლის გამზ. N121
დაფინანსების წყარო:
სახელმწიფო ბიუჯეტი
საბანკო რეკვიზიტები:
ხაზინის ერთიანი ანგარიში
ბანკის კოდი - TRESGE22
შიდა ანგარიში ან ანგარიშის ნომერი- 200122900
სახაზინო კოდი - 3503030702

დირექტორი
ავთანდილ თალაკვაძე

მიმწოდებელი

შპს „ავერსი-ფარმა“

საიდენტიფიკაციო კოდი: 211386695
იურ. მის.: ქ.თბილისი, დ. აღმაშენებლის გამზ. 148
ფაქტ. მის.: ქ.თბილისი, დ. აღმაშენებლის გამზ. 148
საბანკო რეკვიზიტები:
ბანკის დასახელება:სს „საქართველოს ბანკი
ბანკის კოდი: BAGAGE22
ანგარიშის ნომერი: GE06BG0000000122932100

კომერციული დირექტორი:
კატერინე მიქელაძე

სახელმწიფო შესყიდვის შესახებ # 19/01/19-CON ხელშეკრულების დანართი N1

ქ. თბილისი

05.04.2019

N	წამლის დასახელება, ტექნიკური მახასიათებლები	საერთაშორისო დასახელება	ზომის ერთეული	რაოდენობა	ერთეულის ფასი, ლარი	საერთო ფასი, ლარი	მწარმოებელი ქვეყანა	მწარმოებელი კომპანია
1	ასპირინი 0.5გ #10ტ	Acetylsalicylic Acid	ფირფიტა	2300	0.20	460.00	საქართველო	თბილისის ფარმაც. ქარხანა
2	დოფამინი 4% 5მლ #10ა (დარნიცა)	Dopamine	კოლოფი	34	34.10	1159.40	უკრაინა	დარნიცა კიევი
3	ფუროსემიდი 1% 2მლ #10ა (თბ)	Furosemide	კოლოფი	4267	1.27	5419.09	საქართველო	ბიოფარმი თბილისი
					სულ:	7038.49		

შემსყიდველი:

სსიპ "საგანგებო სიტუაციების კოორდინაციისა და გადაუდებელი დახმარების ცენტრი"
 საიდენტიფიკაციო კოდი: 205307960
 დირექტორი:
 ავთანდილ თალაკვაძე

მიმწოდებელი:

შპს "ავერსი-ფარმა"
 საიდენტიფიკაციო კოდი: 211386695
 კომერციული დირექტორი:
 ეკატერინე მიქელაძე

სახელმწიფო შესყიდვის შესახებ N 19/01/19-CON ხელშეკრულების

დანართი N2

N	მისამართები	მიწოდების სიხშირე (სავარაუდო)
1	აბაშა თავისუფლების ქუჩა 143	თვეში ორჯერ
2	ადიგენი ბალახაშვილის ქუჩა N11	თვეში ორჯერ
3	ამბროლაური ბრატისლავა-რაჭის ქუჩა 11	თვეში ორჯერ
4	ასპინძა ვარძიის ქუჩა 75	თვეში ორჯერ
5	ახალგორი წეროვანის დევნილთა დასახლება მე-13 რიგი	თვეში ორჯერ
6	ახალქალაქი დ.აღმაშენებლის მე-2 კმ	თვეში ორჯერ
7	ხალციხე ახალქალაქის გზატკეცილი	თვეში ორჯერ
8	ახმეტა რუსთაველის ქუჩა შესახვევი 1	თვეში ორჯერ
9	ბაღდათი კახიანის ქუჩა N84	თვეში ორჯერ
10	ბოლნისი დ.აღმაშენებლის ქუჩა N25	თვეში ორჯერ
11	ბორჯომი მესხეთის ქუჩა N23გ	თვეში ორჯერ
12	გარდაბანი აღმაშენებლის ქუჩა N27	თვეში ორჯერ
13	გორი სუხიშვილის N10	თვეში ორჯერ
14	გურჯაანი კოსტავას ქუჩა N26	თვეში ორჯერ
15	დედოფლისწყარო ჰერეთის ქუჩა N22	თვეში ორჯერ
16	დმანისი ნანა დედოფლის ქუჩა N9	თვეში ორჯერ
17	დუშეთი სტალინის ქუჩა N71	თვეში ორჯერ
18	ვანი თავისუფლების ქუჩა N111	თვეში ორჯერ
19	ზესტაფონი ფარნავაზის ქუჩა N2	თვეში ორჯერ
20	ზუგდიდი აღმაშენებლის ქუჩა N106	თვეში ორჯერ
21	თეთრიწყარო რუსთაველის ქუჩა	თვეში ორჯერ
22	თელავი ალადაშვილის ქუჩა.	თვეში ორჯერ
23	თერჯოლა რუსთაველის ქუჩა N69	თვეში ორჯერ
24	თიანეთი რუსთაველის ქუჩა N75	თვეში ორჯერ
25	კასპი სააკაძის ქუჩა N110	თვეში ორჯერ

26	სოფ. კოდა	თვეში ორჯერ
27	ლაგოდები ჯანელიძის ქუჩა N1	თვეში ორჯერ
28	ლანჩხუთი კვირკველიას ქუჩა N21	თვეში ორჯერ
29	ლენტეხი ჯ. მემველიანის ქუჩა N4/სტალინის ქუჩა	თვეში ორჯერ
30	მარნეული ოცდაექვსი მაისის ქუჩა N80	თვეში ორჯერ
31	მარტვილი მშვიდობის ქუჩა N111	თვეში ორჯერ
32	მესტია გაბლიანის ქუჩა	თვეში ორჯერ
33	მცხეთა ღვინჯილიას ქუჩა N5	თვეში ორჯერ
34	ნინოწმინდა ჭავჭავაძის 24	თვეში ორჯერ
35	ოზურგეთი გიორგაძის ქუჩა N7	თვეში ორჯერ
36	ონი ვახტანგ მეექვსის ქუჩა N10	თვეში ორჯერ
37	რუსთავი დუმბაძის ქუჩა N1	თვეში ორჯერ
38	საგარეჯო კახეთის გზატკეცილი N13	თვეში ორჯერ
39	სამტრედია რესპუბლიკის ქუჩა N84	თვეში ორჯერ
40	საჩხერე თამარ მეფის ქუჩა N4გ	თვეში ორჯერ
41	სენაკი ტ.ტაბიძის ქუჩა N71	თვეში ორჯერ
42	წნორი ბაგრატიონის ქუჩა N12	თვეში ორჯერ
43	ტყიბული თაბუკაშვილის ქუჩა N10	თვეში ორჯერ
44	ფოთი მშვიდობის ქუჩა N16	თვეში ორჯერ
45	ქარელი ვარძელაშვილის ქუჩა N24	თვეში ორჯერ
46	ქედა ოცდაექვსი მაისის ქუჩა N2	თვეში ორჯერ
47	ქობულეთი აბაშიძის ქუჩა N14 მიმდებარე	თვეში ორჯერ
48	ქუთაისი ბუხაიძის ქუჩა N12	თვეში ორჯერ
49	ქურთა წეროვანის დევნილთა დასახლება მე-13 რიგი	თვეში ორჯერ
50	სტეფანწმინდა ალექსანდრე ყაზბეგის ქუჩა N35	თვეში ორჯერ
51	ყვარელი ჭავჭავაძის ქუჩა N21	თვეში ორჯერ
52	შუახევი რუსთაველის N32	თვეში ორჯერ
53	ჩოხატაური კოსტავას ქუჩა	თვეში ორჯერ
54	ჩხოროწყუ აღმაშენებლის ქუჩა N 19	თვეში ორჯერ
55	ცაგერი რუსთაველის ქუჩა N31	თვეში ორჯერ
56	წალენჯიხა ჭურღულიას ქუჩა N6	თვეში ორჯერ
57	წალკა ექვთიმე თაყაიშვილის N4	თვეში ორჯერ
58	წყალტუბო სოფელი ხომული ერისთავის ქუჩის გაგრძელება N16	თვეში ორჯერ
59	ჭიათურა საჩხერის გზატკეცილი	თვეში ორჯერ
60	ხარაგაული სოლომონ მეფის N23	თვეში ორჯერ

61	ხაშური ფარნავაზის ქუჩა N4	თვეში ორჯერ
62	ხოზი ჭყონდიდელის ქუჩა N2	თვეში ორჯერ
63	ხონი სოლომონ მეორის ქუჩა 21	თვეში ორჯერ
64	ხულო აღმაშენებლის ქუჩა N6	თვეში ორჯერ
65	ჯვარი გაბუნიას ქუჩა	თვეში ორჯერ
66	ბათუმი, ალ. პუშკინის N154	თვეში ორჯერ
67	თბილისი, ალ. წერეთლის გამზ. N121	თვეში ორჯერ

შემსყიდველი

სსიპ საგანგებო სიტუაციების კოორდინაციისა

და გადაუდებელი დახმარების ცენტრი

ს/კ: 205307960

დირექტორი

ავთანდილ თალაკვაძე

მიმწოდებელი

შპს ავერსი ფარმა

ს/კ: 211386695

კომერციული დირექტორი

ეკატერინე მიქელაძე